

KUPOPRODAJNI UGOVOR

Ugovorne strane:

Isporučilac: AVC – Audio Video Consulting d.o.o. Sarajevo
sa sjedištem u:
Azize Šaćirbegović 7
Sarajevo
Bosna i Hercegovina
kojeg zastupa:
Nermin Dizdarević, direktor

Kupac: Akademija scenskih umjetnosti u Sarajevu
sa sjedištem u:
Obala Kulina bana 11
71000 Sarajevo
Bosna i Hercegovina
kojeg zastupa:
Pjer Žalica, dekan

Član 1. Predmet Ugovora

Predmet ugovora jeste isporuka i instalacija opreme prema ponudi br. 05-2/344-II od 24.05.2018. godine, a koja je sastavni dio ugovora.

Isporučilac se obavezuje da će isporučiti naručiocu isključivo naručenu robu.

Isporučilac nema prava ni pod kojim uvjetima isporučiti naručiocu opremu drugog proizvođača, sa drugim karakteristikama i po drugoj cijeni.

Sve izmjene u specifikaciji, cijeni i opremi koja je predmet isporuke će biti regulisane Annex-om ugovora.

Član 2. Ugovorna vrijednost

Ugovorna vrijednost ugovora jeste 4.974,84 KM, od čega je vrijednost robe 4.252,00 KM, a 722,84 vrijednost PDV-a.

Član 3. Obaveze Isporučioca

- Da isporuči novu opremu iz člana 1. ovog ugovora. Rok isporuke je isti dan po potpisivanju ugovora.
- Izvršiti zajedno sa Kupcem testiranje ispravnosti isporučene opreme
- Da pruži garanciju i servisiranje opreme u garantnom roku od 12 mjeseci.

Član 4. Plaćanje

Plaćanje je 50% avansno po potpisivanju ugovora, a 50% od iznosa 30 dana nakon ispostavljanja fakture. Ovim članom Kupac se obavezuje da će izvršiti plaćanje u ukupnom iznosu od 4.974,84 KM na slijedeći bankovi račun Isporučioca:

Transakcijski račun: 1413065320116963 kod BBI Banke, Sarajevo.

Član 5. Isporuka

Mjesto isporuke opreme je Sarajevo, prostorije AVC doo Sarajevo.

Član 6. Garancija

Ugovorne strane su saglasne da održavanje opreme u toku garantnog roka podrazumijeva:

- otkrivanje i otklanjanje svih smetnji koje su prouzrokovane nedostacima opreme,
- odziv na prijavu kvara na opremi najkasnije u roku od 48 sata,
- pružanje svakodnevne savjetodavne telefonske podrške,
- korekcije na opremi koji povećavaju pouzdanost rada,
- davanje blagovremenih prijedloga optimalnih ulaganja, kako bi se očuvala i povećala vrijednost opreme.

Za vrijeme garantnog roka Isporučilac nije obavezan bez naknade pružiti usluge održavanja opreme u sljedećim slučajevima:

- smetnje zbog nepravilnog korištenja opreme za koju je odgovoran korisnik – Kupac,
- smetnji zbog nepridržavanja propisanih procedura i korisničkih upustava,
- više sile.

Član 7. Raskid Ugovora

Ovaj Ugovor može biti raskinut od obje strane, u slučaju da druga strana nije ispunila obaveze, uz prethodno dostavljane pismene obavijesti o raskidu Ugovora drugoj ugovornoj strani.

Isporučilac ima pravo okončati Ugovor u slučaju da Kupac ne izvrši uplate prema uvjetima i odredbama člana 4. ovog Ugovora, ali samo nakon obavještanja Kupca pismenim putem u kojem traži zadovoljavanje uvjeta Ugovora i u roku od 7 (sedam) dana od pismene obavijesti.

Kupac ima pravo okončati ovaj Ugovor u slučaju da Isporučilac ne ispuní obaveze o dostavi u skladu s ovim Ugovorom, ali samo nakon što Isporučiocu uputi pismenu obavijest u kojem traži ispunjenje obaveza iz Ugovora i u roku od 7 (sedam) dana nakon obavještenja.

Datum isticanja ugovora je izvršenje svih obaveza ugovornih strana u skladu sa uvjetima iz ovog ugovora.

Član 8. Sporovi

Eventualne sporeve nastale po osnovu realizacije prava i obaveza iz ovog ugovora, ugovorne strane će nastojati riješiti prvenstveno sporazumno, a u slučaju nemogućnosti postizanja sporazumnog rješenja, za spor je nadležan sud u Sarajevu.

Član 9. Ostale odredbe

Ugovorom se podrazumijeva uticaj više sile kao opravdan razlog neizvršenja ugovornih obaveza, kako Isporučioca tako i Kupca, a u skladu sa zakonskim propisima koji regulišu pitanje uticaja okolnosti više sile na izvršenje prava i obaveza iz obligacionopravnih odnosa. Po prestanku okolnosti više sile ugovorne strane su obavezne nastaviti sa izvršavanjem prava i obaveza iz ovog Ugovora.

Član 10.

Ugovor je sačinjen u četiri istovjetna primjerka, od kojih svaka ugovorna strana zadržava po dva.

Član 11.

Ugovor se smatra zaključenim danom potpisivanja, od strane ovlaštenih predstavnika ugovornih strana.

Potpisi:

Isporučilac:


SARAJEVO
AVC
Audio Video
Consulting d.o.o.
Ul. Azize Saćirbašević 7

Nermin Dizdarević
AVC – Audio Video Consulting doo Sarajevo
Mjesto: Sarajevo

Datum: 25.05. 2018.

Kupac:



Pjer Zatica
Akademija scenskih umjetnosti u Sarajevu
Mjesto: Sarajevo

Datum: 25.05.2018.
Broj: 03-6/348